

百
僚
金
鑑

百僚金鑑卷之二

翰林總考

按翰林為樞機宥密之地極清華之選自魏則有秘書令掌贊誥命記會時事典作文書所謂鳳凰池也漢制為侍中之選出入禁闈掌直承明潤色典誥謀議政事其體就為差近也唐貞觀間名儒學士時時召以草制有十八學士登瀛州之謠乾封以後始有文士等草諸文詞於比門候進止謂之北門學士明皇初置翰林待詔乃選文學之士號翰林供俸與集賢院學士分掌制誥書勅而翰林學士之名始定矣

宋翰林學士掌制誥書敕。墨畫及宮禁所用文詞乘
輿行幸。則侍從備顧問。有所獻納。則請封。或奏對。凡
勅命為學士。皆遣使就纂。宣詔召入院中。其學士承
旨始自永貞也。直學士院始自閻寶也。侍講學士侍
讀學士始自開元也。

明初置翰林國史院定謨學士承旨學士侍講學士。
侍讀學士直學士典簿侍制脩撰應奉編脩典籍檢
閱之屬。又選進士為庶吉士。而教養之。二甲為編修。
三甲為檢討。不得留者為給事中御史主事。或出為
州縣官云。

柳公權

唐柳公權為翰林學士。憲宗見其書踪愛之。問曰。卿書何能如是之善。對曰。用筆在心。心正則筆正。上默然改容。知其以筆諫也。

韋處厚

翰林學士韋處厚言於穆宗曰。裴度勳高中更名。猶外州若置之岩廊。委之叅決。河北山東必稟朝筭。理亂之效非有他術。順人則理。違人則亂。伏承陛下當食嗟息。恨無蕭何。今有一裴度而不能用。此馮唐所以謂漢文得蕭何。李牧而不能用也。

寶儀

翰林學士王著以失酒貶官。太祖曰。深嚴之地當使
宿儒處之。范質等對曰。寶儀清介重厚。然已自翰林
遷端明矣。太祖曰。非斯人不可。即日復入翰林。嘗召
儀草制至苑門。見太祖岸幘跣足而坐。因却立。不肯
進。太祖遽索冠帶。而後召入。儀遂言曰。陛下創業垂
統。宜以禮示天下。恐豪傑聞而解體也。上歎容謝之。
由是對近臣。未嘗不束帶。

宋太祖初。欲改元。諭宰相曰。年號湏擇前代所未有
者。及蜀平。蜀宮人入內。太祖見其鏡背有誌。乾德四

年鑄者怪之。出示宰相不能答。召翰林學士宋真儀問之。儀對曰。此必蜀物。昔蜀王衍有此瓶。當是其歲所鑄也。太祖歎曰。宰相須用讀書人。由是益重儒臣矣。

楊億

真宗時楊億為翰林學士。清忠耿亮。博覽強記。典章法度為時取正。文章精密。當時學者宗之。尤喜誨謗後進。因以成名者甚衆。

朱晦菴曰。楊億工於纖麗浮巧之文。已非知道者所為。然資稟清介。立朝獻替略有所觀。

孫興

宋孫興為龍圖閣學士侍講。每至前世亂君亡國必
反覆追諫。因畫書無逸圖以進。仁宗命施於講讀閣
下。

歐陽修

修以翰林學士知貢舉。時士子習尚險怪。奇澁之文。
號太學體。張方平嘗言。文章之變與政通。邇來文格
日失其舊。各出新意相勝。為奇驅。扇浮薄重鄙雅俗。
非取賢歛才。備治具之意。修知貢舉。痛抑新體。時所
推舉皆不在選。自是文體亦少变矣。

劉敞

宋英宗命侍臣講讀經史於邇英閣。翰林學士劉敞進讀史記至堯授舜以天下拱而言曰。舜至側微堯禪之以位。天地享之。百姓戴之。非有他道。惟孝友之德光於上下耳。

程頤

程頤為崇政殿說書。上劄子言。習與智長。化與心成。陛下春秋方富。雖膺聖淵。於天資而輔養之道。不可不至。大率一日之中。接賢士大夫之時。多親寺人宮妾之時。火則氣質變化。自然而成。選名儒入侍勤講。歲月積久。必能養成聖德。又嘗曰。天下重任。惟宰相。

與經筵天下治亂係宰相君德成就實經筵

蘇軾

軾為翰林學士。進經筵。進讀至治亂興衰邪正。得失之際。未嘗不反覆開導。常鎖宿禁中。召見便殿。太皇太后問曰。卿今為何官。對曰。待罪翰林學士。曰。何以至此。對曰。遭遇太皇太后。皇帝陛下。后曰。狀也。此先帝意也。先帝每誦卿文章。必嘆曰。奇才奇才。但未及進用。卿耳。軾不覺哭失聲。太皇太后與帝亦泣涕已而命坐。賜茶。撤御前金蓮燭。送歸院。

按蘇文忠公撤金蓮燭送歸翰苑。此千古美事。

至今膾炙人口。惜其與程明道先生不和。有枉死
市叔孫通制禮之言。大為盛德之累。

范祖禹

祖禹為翰林學士。在邇英嚴守經據正。獻納尤多。每當講前。必正衣冠。如在上前。命子弟侍先。按講。其說開列古義。恭之時事。言簡而當。無一長語。義理明白。粲然成文。蘇軾以為講官第一。

宋哲宗初。親政。范祖禹上疏曰。陛下方攬庶政。延見群臣。今日乃宋室隆替之本。社稷安危之機。生民休戚之端。君子小人。進退消長之際。天

命人心去就離合之時可不畏哉。云。蘇軾嘆曰。經世之文也。

尹焞

宋尹焞將赴經選，必沐浴端拂以明日所講書置案上，朝衣再拜人問之，公曰：欲以所言感動人主，安得不盡誠敬哉？

真德秀

真西山為翰林學士，因奏三劄，一言臣向為先帝陳祈天永命之戒，其說出於召公，然反覆召誥一篇，綱目三致德曰小民而已。傳曰：敬者德之聚，儀仗之酒

南威之色盤遊弋射之娛禽獸狗馬之玩。有一于此皆可害敬。其可不戒。此祈天永命之一也。天視聽回民之視聽。民心向背。即天之向背。權臣之未賄賂公行誅求既廣。民不堪命。陛下宜戒。郡邑倍刻。停邊閫科調。此祈天永命之二也。

張栻

張栻字敬夫。爲右文殿修撰。每進對時。必自盟於心。不以人主意悅。輒有所隨順。帝常言仗節死義之臣。難。游曰。當於犯顏敢諫中求之。若平時不能犯顏。敢諫。他日何以望其仗義死節哉。

峻

元峻之知經筵隨事規諫嘗謂人曰天下事宰相當
詞宰相不得言則諫臺言之諫臺不敢言則經筵言
之脩位經筵得言人所不敢言天子之前志頑立矣
於是時政浮失有當匡救者未嘗緘默

陶安

明洪武時陶安為翰林學士上賜對云國朝謀畧無
雙士翰苑文章第一家御史有言公有隱過者上曰
朕素知安安豈有此且爾後何知對曰聞之道路上
曰御史取道聽之言毀譽人以此為進職乎立辭鄉

史

劉基

劉青田輔太祖有大功。正德九年賜詔曰。劉基學為
帝師。才稱王佐。孔明之任。豈間人言。敬與之謀。不負
所學。占事考祥。明有徵驗。運籌畫計。動中機直。渡江
策士無雙。開國文臣第一。受爵能讓。懷辭金蹈海之
風。成功不居。從辟穀封留之請。可謂明哲。允矣貞清。
特進太師謚文成。

王濂

永樂時。王濂為翰林深密。不洩禁中語。有奏嘗焚稿

大書溫室二字。室中或問朝廷事。指二字以對。上嘗
強公飲醉。歡笑賦楚辭一章。令侍臣咸賦醉學士歌。
曰使後世知朕君臣同樂也。

按翰林選用無異唐宋。而自唐迄今。所掌要重。
所司清華。所禮遇尊隆。超軼諸僚。蔑以加矣。故
曰水遠瀟洲。花園周廡。外喧既寂。內務靡譁。清
之極也。西接金鑑。北瞻銅樞。晨趨瓊闈。夕宿嚴
衛。密之至也。備侍顧問。辨疑釋惑。發綢終綸。據
右綏今仕。之任也。仕而職此。可忽乎哉。

詹事府。東宮官屬也。應郎曰。詹省也。給也。言給事太子。漢秩置二千石。後魏有太子左右詹事。從周置太子宮正宮尹。唐置詹事府。掌內外衆務。糾彈非違。總判府事。置少詹事以貳之。龍朔改端尹少尹。宋東宮有詹事少詹。品俱正六。恒以執政兼統。元詹事從三品。掌知東宮而統領之。少詹為之二。乃今詹事一人。品正三。少詹二人。品俱正四。而近以侍郎學士兼統之。多不備。視宋制不甚異也。

丞二人。品居正六。昉於漢。因秦置詹事丞。秩六百石。唐龍朔改為端尹丞。天授改為宮尹丞。宋元俱省。今

雖沿唐置二人。常閑多以他官兼之。不特設也。主簿從七品錄事。從九品主簿典勾會文移。檢稽脫失而錄事佐之也。

左右春坊 左右庶子 左右諭德 左右中允

左右贊善 左右司直 左右清紀 左右司諫

司經局洗馬 校書正字

按明洪武初。建大本堂。取古今圖籍。充其中石。四方名儒教皇太子諸王。皇太子居文華殿。諸儒面授。分番進直。更班侍從。上時賜宴賦詩。商畧古今。細繹文學。其時東宮官如太子三太

太子三少太子賓客皆熟舊大臣燕領不別置
後始設詹事院已更名府設左右春坊皆別置
而詹事府總焉

國初亦設有詹事春坊等官後乃盡裁而大臣太子三太等銜仍如故焉

京卿彙考

中書

周官內史掌王之八柄掌書王命是也兩漢中書謁
者令丞屬少府與太官湯官上林諸令品秩相等魏
黃初改秘書令典尚書奏事為中書令又置監晉置

監令秩千石掌贊詔命記會時事與作文書。中書省
稱為華要而荀最。有奪我鳳凰池之語矣。所領中書
舍人考之通註郎漢尚書郎。並宿達禮內奏事明光
殿下筆為詔法。出語為詔令者。即其任也。魏置中通
事舍人。宋齊因之。梁曰中書舍人。後魏有舍人者。後
周有小史。上士二人。隋改為內史舍人。唐武德二年
改為中舍人。龍朔政為西臺舍人。乾寧元年改為鳳
閣舍人。開元改為紫薇舍人。宋置知制誥及直舍人
院。元豐官制行。遂以中書舍人判後省之事。明勅置
中書省。止存舍人二十餘人。無正副資深恭署印主。

書誥勅冊符鐵券書請翰林院寶請內府權雖甚輕而官屬內閣為清術也。

國初中書舍人以二甲進士除授今改以推知陞補矣。又翰林院誥勅撰文中書舍人前以貢監恩庶充今考選青年進士充之古今之不相侔如此。

馬周

馬周。菑平人。唐貞觀初為中書舍人。有機辯。岑文本嘗曰馬君論事援引事類商確古今舉要刪繁會文切理一字不可增減聽之靡不令人忘倦。又嘗上疏曰堯舜之父猶有朱均之子。倘有孩童嗣職萬一驕逸。

光廣被其殃而國家受其敗正欲絕之也則子文之治猶在正欲留之也則爽麤之惡已彰與其審害於見存之百姓則寧使割恩於已亡之一臣然則向所謂愛之者乃適以傷之也臣謂宜賦以茅土疇其爵邑必有材行隨器授官使其人得奉大恩而于終其福操可耳

按春秋譏世卿而孟子亦云士無世官正謂仕者之子孫未必皆賢或至誤朝廷而苦百姓耳後世庶嗣之典太浮使膏粱之子黃口之孺儼然民上果有甘羅之才子奇之智乎其不至覆

鍊遺譏，滿鶴致歎者幾希矣。

岑文本

唐太宗時以岑文本為中書令。還家有憂色。其母問其故。文本曰：「非黜非舊，濫荷寵榮。位高責重，所以憂惧。」語賀客曰：「今受罪非受賀也。」

曾鞏

曾鞏字子固。元豐間為中書舍人。文章原本六經。斟酌司馬遷韓愈為歐陽修所重。神宗深知其才。命充史館修撰。至是以官制將行。故有是命。呂公著言於帝曰：「曾鞏為人行義不如政事。政事不如文章。以是

不獲大用。

曾子固文章為永叔器重亦宋儒之表表者。而呂公以行義短之其故何也。檢紹聖初有林希者附會章惇。凡元祐名臣貶削之制皆希為之。極其醜詆。至以老姦擅國之語陰斥宣仁。讀者無不憤歎。一日草制罷擲筆於地曰。壞名節矣。此則行義之有玷者也。

行人

周禮有大行人小行人皆大夫掌諸侯朝覲宗廟會同之禮儀及朝聘會同之事。秦漢以來。行人為大

鴻臚之屬。郎與客職在贊相禮儀也。秦使者秦漢以前名行人。秦漢以後不名行人。如巡行之博士。直指之繡衣。觀風之八使。按察之六條。代不乏使。然其職尊其任重。非古行夫職也。明制行人司正一人。正七品副二人。從七品行人二十六人。正八品職事奉使之事。凡頒詔冊立宗藩撫慰蠻夷徵聘賢才。及賞使慰問賑濟軍旅祭祀序差焉。重則為介輕則特使。今因之。

洪皓

宋高宗時遣洪皓為大金通問使。金人拘之。迫使仕

劉豫皓曰萬里衝命不淨奉兩宮南歸恨力不能碎
逆豫忍事之耶願就鼎鑊粘沒喝怒將殺之旁一校
曰此真忠臣也為之曉請乃得免死流遼冷山

辛仲甫

宋太宗遣起居舍人辛仲甫使遼。遼主問曰聞中朝
有董進者真驍將也如進之比凡幾人。仲甫對曰中
朝名將甚多如進鷹犬之材何可勝數。遼主欲留之。
仲甫曰信以成義義不可留有死而已。遼主知其秉
性不可奪厚禮遣還太宗曰仲甫違使絕域可謂不
辱君命更使得數人如此朕何憂也

太常

太常主郊廟禮樂古之秩宗也周曰宗伯秦改奉常漢訛更曰太常卿一人有丞奉常丞亦秦官也屬有太樂太祝太宰太史太卜大醫六丞王莽改曰秩宗後漢復名太常秩中二千石建安中為奉常梁視金紫光祿大夫後魏太常與光祿勲衛尉為上卿兼置少卿周禮小宗伯中大夫二人郎其任也後周以太常為宗伯少卿為小宗伯隋太常寺卿一人正三品少卿一人正四品煬帝增置二人太常丞唐置太常卿一人掌禮儀祭祀檢判等事少卿二人丞二人主簿

二人博士四人太祝三人奉禮郎二人協律郎二人
太醫太卜廩儀八署署各有令丞宋置太常寺卿一
人少卿一人丞一主簿一博士四掌五禮之制度儀
式及樂律樂舞樂章協律主大樂奉禮主奉幣太祝
主讀冊郊社籍田太廟宮闈各有令郊廟祭器庫什
物庫教坊所諸陵祠壇所皆隸焉明置太常寺卿一
少卿一提督四譯館少卿一其屬典簿二博士二神
樂觀提點一知觀二協律郎二贊禮郎九司樂二十
人天地朝夕祈穀各有祠祭署有奉祀有丞十餘
陵有祠祭署亦有奉祀有丞犧牲所有吏目

卿專祭祀禮樂之司。凡天地神祇之祀饗。據其官屬。
籍其政令。以聽于禮部祠祭司贊。

天子致慶。先歲孟冬進來年祭日。

上御奉天殿受之。以頌諸司。

上親祭贊禮儀。大臣攝亦如之。祭先期請省牲。進版
銅人。上殿奉齋戒。凡荐新品與光祿寺共。凡國有冊
封冠婚營繕出師歲時有旱澇。國有大災。請告於郊
廟社稷焉。

陳清

宋真宗詔有司議均田法。太常博士陳靖乞免。命大

臣令東西京檢責荒地及逃民產籍之募民耕作賜以牛種室器俟田成然後度地均稅量田授人約井田之法為定法乃詔靖為勸農使後以皇甫選等阻之而罷

光祿

按秦有郎中令掌宮殿掖門戶漢因之卿一人有丞至武帝太初元年改光祿勳勳之言闇也闇主門之官後漢亦名光祿勳所掌同典三署郎更直執戟宿衛魏晉以來無三署郎光祿勳不復居禁中宮殿門戶猶屬焉梁改為光祿卿北齊曰光祿寺置卿少卿

兼掌諸膳食帳幕。唐龍朔改為司宰寺。光宅改為司膳寺。大要卿掌邦國酒醴膳羞。總大官珍羞良醞。掌醯四署官屬修儲備。謹出納。少卿丞貳之。自此與漢光祿勳絕特。襲其名耳。元豐官制行。少卿一丞。一主簿。一掌祭祀朝會酒醴宴饗膳羞事。其屬有大官令。主割烹。上林司。主果實。茗菜。有牛羊司。乳酪院。油醋庫。法酒庫。內酒坊。大官物料庫。外物料庫。紹興廢并入禮部。而自宋及元復有宣徽院。客省使亦掌會宴饗酒饌。饗任實光祿而不襲舊名也。明初置宣徽院。尚食尚禮二局。設院使同知院判典簿統二

屬累改為光祿寺卿一少卿二寺丞二其屬典簿二
錄事一大官珍羞良醞掌醢四署各署正一署丞四
監事四人司牲司牧二屬各大使一人卿掌祭享宴
勞膳羞之事辨名數會出入量豐約以聽於禮部光
祿寺丞貳之典薄錄事職掌仍古

太僕

按周禮有太僕下大夫掌正王之服位出入王之大
命而周穆置太僕正以伯冏為之秦特襲其名耳漢
太僕秩二千石有兩丞領五監六廄與邊郡牧司院
令丞王莽改太御後漢仍謂太僕卿一丞一亦掌車

馬天子每出。奏駕上鹵簿。用大駕。則執御。魏因之。晉太僕銀章青綬。五時朝服。進賢兩梁冠。佩水蒼玉。退一人部丞五人。置功曹主簿五官等員。領典牧乘黃驛。驅龍馬等廄。令梁太僕位。視黃門侍郎。統南牧左右牧。龍廄內外廄。陳因之後。魏丞卿之外。增置少卿。北齊太僕寺。統驛。左右龍。左右乘黃。車府諸署。卿少卿各一人。隋煬帝增置少卿一人。龍朔二年改太僕為司駕。光宅改司僕。神龍復舊。卿一少卿二丞。四主簿。二錄事。二領乘黃。典廄典牧。車府等四署。署各有令。天下監牧。置八使。五十六監。宋初邦國興焉。之

政分隸郡牧司。驥驥院太僕但掌天子五輶屬車。元
豐官制行。卿少卿丞簿各一人。掌奉輶廄牧之政令。
車輶院左右駢驥院。天駢。監鞍轡庫。養象所。駢坊。車
營。務遠牧養上下監隸焉。元祐置左右天廄坊。紹聖
置孳生監。紹興復廢。仍入兵部。

明洪武初移駐滁州。及今都設於京師。而除山西陝西
遼東設太僕苑焉。監治焉。卿掌政令。以聽於兵部。少
卿則分督京營。馬承理京衛。若畿甸及山東河南六
部孳牧畜牧。馬三年而更。凡牧人視其丁產以授馬。
蠲賦而更乏焉。

鴻臚

按周官有大行人掌大賓客之禮。象胥掌蛮夷閩貉之國使。秦官有典客掌諸侯及歸義蛮夷。即是官也。漢名鴻臚卿一人丞一人屬官有行人譯官別次三令丞及郡邸長丞卿丞掌贊郊廟行禮諸侯及歸義蛮夷掌迎勞贊禮儀上那國計得可以命諸司。凡事之重大者遣大鴻臚而輕賤者遣大行人也。景帝更名大行令武帝更名大鴻臚。秦有典屬國成帝併為大鴻臚。王莽更名典樂梁曰鴻臚卿位視尚書。左丞後魏曰大鴻臚北齊曰鴻臚寺隋開皇三年廢鴻臚。

寺入太常。渡置領典客司儀崇元三署。有卿有丞。唐
龍朔改為司文。光宅改為司賓。領典客司儀二署。宋
楊蓋荆寺事一人。以朝官以上充元豐署卿少卿丞
主簿各一人。南渡並入禮部。明初曰侍儀司。曰殿庭
議禮司。累改始定為鴻臚寺。卿一。少卿二。主簿
一。屬署二。曰司賓。曰司儀。卿掌朝會賓客吉凶禮儀
之事。少卿寺丞為之。主簿典出納文移。司賓司儀
二署寫贊八人。主贊禮序班五十餘人。侍班齊班而
外。禮糾儀馬。

常安民

鴻臚丞常安民貽呂公著書曰。善觀天下之勢。猶良醫之視疾。方安寧無事之時。語人曰。其後必有大憂。則衆必駭笑。惟識微見機之士。然後能逆知其漸。故不憂於可憂。而憂之於無足憂者。至憂也。今天下之勢。大為可憂。雖盛進忠良。而不能搜攷四海之英才。使皆萃於朝。以勝小人。恐端人正士。未得安枕而卧也。今用賢如倚孤棟。拔士如轉巨石。雖有奇特瓌卓之士。不得一行其志。甚可嘆也。猛虎負嵎。真之敢櫻。而卒為人所獲者。人衆而虎寡也。故以十人而制一虎。則人勝。以一人而制十虎。則虎勝。奈何以數十人而

制于虎乎。今怨忿已極。一發其害必大。可不為大憂乎。公著得書。默然。

尚寶

周禮春官有典瑞地官有掌節秦有符璽令漢因秦置符節令丞秩四百石屬少府領符璽郎後漢有符節令兩梁冠位次御史中丞別為一毫而符節令一人為墨率秩六百石為符都臺晉併蘭臺置符都御史齊置主璽令史於蘭臺以持書御史領之梁陳御史臺並置符都令史後魏御史臺領符都令符令領符璽郎中北齊有符節署錄與後魏同後周有主璽

下士掌國璽之藏隋初有符璽局置監二人屬門下
省煬帝改監為郎唐因之長慶二年改為符寶郎神
龍改為符璽郎宋元仍置符璽郎屬門下殿中明初
準古符璽局為尚寶司卿少卿各一人丞二人恩賜
寄祿無常員廩職在禁庭守寶璽無符牌印章而辨
其所在有事請於內既事奉而藏之少卿司丞為之
貳今裁。

愚按中行常祿等署歷朝增減不一爵位職掌各
異據之地近徽垣職居華要為

天子耳目手足之官各宜殫心盡瘁以弼一人斯無

曠踰之譏若虛靡俸祿優游養安或流連詩酒或
注意聲歌雖曰清高自許其如靖供何也自古及
今居是位者代不乏人乃以功著以名傳者寥寥
罕矣斯何故歟

百僚金鑑卷之三

通政考略

按通政承郎唐虞納言之職以出納帝命者周官司
冠以嘉石平罷民以肺石達窮民內史掌叙事之法
受納訪以詔王所治寔其職也秦漢以來統於三省
蓋門下省侍中黃門侍郎掌出納帝命中書省中書
令中書侍郎掌制誥宣傳文章獻納尚書省令丞掌
通草奏雖三省之設雖總領納紀無所不統而宣上
達下亦分任其喉舌之任矣唐置鹽使院以正諫大夫
補闕一人充知鹽使天寶九年改為獻納使以御

史中丞侍御史為之。宋雍熙元年改樞為檢。景德四年改為登聞鼓院。鑒關院即今通政之任也。

明初置通政司正三品設通政使左右通政左右叅議達文中改司為寺。通政使為通政卿。叅議為少卿。寺丞增置左右補闕左右拾遺各一人掌出納帝命。通達下情。閨防諸司出入移狀奏報四方臣民實封及軍情聲息災異皆實署參覆而上下焉。

大理考畧

按唐虞臯陶為士。秦為廷尉。漢景帝改名大理。宣帝復置廷尉平。合尉正尉監尉平為廷尉三官。魏增置

律博士晉田之增置丞主簿明法掾歷宋齊皆為廷尉梁為秋卿復置廷尉三官北齊曰大理寺置卿少卿各一人後周有刑部中大夫掌五刑之法附萬人之罪屬大司寇亦其任也唐龍朔改為詳刑寺卿掌邦國折獄詳刑之事少卿正丞為之貳宋置判寺事一人兼文卿事一人以朝官以上充詳斷官八人以京官充元承宋制

明仍古大理名寺卿一少卿二丞三兵屬司務二僉左右寺二寺正副評事卿掌折獄凡官刑獄之政令少卿丞為之貳贊

天子詳刑。與刑部都察院並列為三法司焉。

張釋之

張釋之為廷尉。謂文帝曰。法者天子所與天下公共也。今法如是足矣。更重之。是法不信於民也。且方是時上使使誅之。則已。今已下廷尉。廷尉天下之平也。一傾天下用法皆為之輕重。民安所措其手足。上曰。廷尉言是也。

于定國

宣帝時。于定國為廷尉。決獄平法。務在哀鳏寡。罪疑從輕。如審慎之心。朝廷稱之曰。張釋之為廷尉。天下

無寬民于定。因為廷尉，民自以不寃。

按定國之父于公為獄吏。東海有孝婦，寡居不嫁。養其姑。姑以年老妨婦嫁。自縊死。姑女告婦迫死其母。婦不能辨。誣伏于公。爭之不得。孝婦死。東海旱三年。後太守來。公告其故。祭孝婦。逢雨。于公治獄。有陰德。門閭壞治之令高大。能容駟馬。曰。吾後世多有興者。至是定國果為廷尉。

路溫舒

廷尉史路溫舒上疏曰。臣聞秦有十失。其一尚存。治獄之吏是也。夫獄者。天下之大命也。死者不可復生。

絕者不可復禽。今治獄上下相歐。以刻為明。深者獲公名。平者多後患。俗語曰。盡地為獄。議不入。刻木為吏。期不對。此皆疾吏之風。悲痛之詞也。惟陛下省法。制寬刑罰。則太平之風可興於世。上善其言。詔置廷尉平四人。

涿郡太守鄭昌上疏。言今明主躬垂明聽。雖不置廷平。獄將自正。若開嗣後。不若剛定。律令。律令一定。愚民知所避。姦吏無所弄。今不正其本。而置廷平。以理其末。政衰聽怠。則廷平將招權而為亂首矣。

李素立

唐高祖以素立為侍御史。有犯法不至死者。唐主特命殺之。李素立諫曰。三尺法王者所與天下共也。法一動。人無所措手足。陛下甫創鴻業。柰何棄法。臣不敢奉詔。唐主從之。命所司擬七品清要官。擬雍州司戶。唐主曰。此官要而不清。又擬秘書郎。唐主曰。此官清而不要。乃擢受侍御史。

戴胄

唐太宗以戴胄忠清公直。由兵部郎中擢為大理少卿。上以選人多許冒資廩。勅令自首。不首者死。未幾

有訴冒事覺者。上欲殺之。胄奏據法應流。上怒曰。卿欲守法而使朕失信乎。對曰。勅者。指於一時之喜怒。法者。國家所以布大信於天下也。陛下忿選人之多訴。故欲殺之。既而知其不可復斷之以法。此乃忍小忿而存大信也。上曰。卿能執法。朕復何憂。胄前被犯。顙執法言如湧泉。上皆從之。天下無冤獄。

胡演

胡演為大理少卿。有右衛太將軍長孫順德受人餽綉事覺。上惜其有功。不之罪。但於殿廷賜綉數十匹。胡演曰。順德枉法受財。罪不可赦。奈何以漢賜之綉。上

曰。彼有人性。得銅之辱。甚於受刑。如不知規。一禽獸耳。殺之何益。後順德折節為政。不通愧。間逐為猾吏。

伏仁傑

將軍瓘善才中郎將范懷義誤斫船陵。折當除名。上命殺之。大理丞狄仁傑奏罪不當死。上曰。我不殺則為不孝。仁傑固執不已。上終令出。仁傑曰。犯顏直諫。自古以為難。臣以為遇桀紂則難。遇堯舜則易。夫法不至死。而陛下特殺之。是法不信於人也。人何所指其手足。且張釋之有言。設有盜長陵一杯土。陛下何以處之。今以一桓毅二將軍。後代謂陛下為何如矣。

臣不敢奉詔者。恐陷陛下於不道。蓋見釋之於地下也。上怒解。遂貸之。

徐有功

唐武后時。法官競為深酷。惟司刑丞徐有功。杜景儉獨存平恕。被告者皆曰。遇來候必死。遇後杜必生。約有功為蒲州司法。以寬為治。不施讞。却累逮司刑獄。時吏所姦構者。皆為直之前後所活數十百家。

宗城滿好禮。設客門曰。徐公於今。誰與為比。主人曰。四海至廣。人物至多。或虛跡韜光。僕不敢詆。若所聞見。則一人而已。當於古人中。求之客曰。何如。

張釋之。主人曰。釋之所行者甚易。徐公所行者甚難。易之間。優劣見矣。張公逢漢文之時。天下無事。守法而已。豈不易哉。徐公逢革命之秋。苟革新之過。人主有疑於上。酷吏恣霍於下。而徐公守死善道。幾陷囹圄。豈不難哉。客曰。使為司刑卿。乃得展其才矣。主人曰。吾子詩見徐公用法平允。謂可置司刑。僕觀其人。方寸之地。何所不容。若其用之。何事不可。豈直司刑而已哉。

李日知

司刑丞李日知亦尚平恕。少卿索元禮。獄殺一豚。日

知以為不可。往復數次。元禮怒曰。元禮不離刑曹。此
固終無生理。日知以。日知不離刑曹。此固終無死法。
竟以兩狀列上。日知果直。

朱敬則

補闕朱敬則上疏曰。李斯相秦。用刻薄之詐。以辱諸
侯。不知易之以寬和。卒至土崩。此不知變之禍也。漢
高祖定天下。陸賈叔孫通說之以禮義。傳世十二。此
知變之善也。伏頤覽秦漢得失。羅列之原。掃朋黨
之跡。使天下蒼生坦然大悅。豈不樂哉。

徐靖

唐明皇時徐嶠為大理少卿奏今歲天下斷死刑五十八人獄院由來殺氣太盛鳥雀不接今有鵲窠其樹於是百官以幾致刑措表賀上歸功宰輔賜李林甫爵晉國公牛仙客幽國公

范華陽曰明皇一日殺三子而宰相以刑措受賞謾諛得志天理滅矣能無亂乎三子者太子瑛鄂王瑞光王琚也錄此以為炯戒

愚按天地以生物為心帝王以好生為德故三事克脩六府允治為斯民謀生養者靡不周摯至刑者聖王不得已而用之者也故唐虞之時辟以止

辟成康之世。刑期無刑。或下車而泣。或解網而祝。
行刑之日。減膳撤懸。訊斷死刑。為之流涕。誠以哀
矜。惻怛。重人命也。後世刻穀之流羅織。有經炭甕
有法。視人命為草菅。以法律為詩書。甚至羅鉗吉
網。以相高。乳虎蒼鷹。以相競。恣睢未已。禍敗隨之。
抑知治獄陰德。可以高大其門。全活萬人。得以貴
顯其爵。其感應有不爽者乎。治獄君子。宜三復於
斯篇。

百僚金鑑卷之四

尚書總考

尚書昉於秦少府遣史殿中。王發書故謂之尚書。漢約尚書雖有曹名不以爲號。及靈帝以侍中梁鵠為選部尚書。始以曹號為名。謂尚書臺亦謂中臺。宋設在建禮門內。曰尚書寺。亦曰尚書省。或謂之內臺。北齊尚禮省謂之都省。亦謂北省。唐龍朔改為中臺。光宗改為文昌臺。垂拱改為都臺。長安復改為中臺。神龍復為尚書省。都堂居中。左右分司。都堂之東有吏部戶部禮部三行。每行四司。左司統之。都堂之西有

兵部刑部工部三行每行四司右司統之宋置尚書省元亦參古制有尚書省是省為尚書之總而部為尚書之分自有尚書以來為然特任有輕重權有隆替耳此外有錄尚書與尚書令左右僕射則古宰相之職而特借尚書之名號也其左右丞為古宰相輔而參知政事者也其郎中都事等即唐宋宰相屬也明興覽古三公論道六卿分職續其意於三代兩漢之上鑒秦始建丞相專恣之禍罷中書府以五府六部都察院通政司理大理寺分理庶政而統于一尊倣太尉樞密院置五府倣六官置六卿列六部於九

卿是六部之名。定於隋唐。而六部之職實重於明也。
故尚書之名。秦已有之。而今尚書之職法周之。六卿
也。侍郎之名。漢已有之。而今侍郎之任。則自隋唐而
非徒擁其名也。郎中之名。漢亦有之。而今郎中之任
則自唐始。而非徒備員無取職事也。員外之名。古亦
有之。而今員外之官。則自隋置。而與承務同職也。主
事之職。漢亦有之。而今主事之官。則自唐置。而非並
用流外也。

左雄

尚書令左雄上疏曰。昔宣帝以為史數變易。則下不

安樂。久於其境。艸民服教化。今典城百里。轉動無常。各懷一切。真慮長久。臣愚以為。宇相長吏。忠和而有顯效者。可就增秩。勿復徙焉。

李固

李固告其君曰。陛下之有尚書。猶天之有北斗也。北斗為天喉舌。尚書為陛下喉舌。北斗斟酌元氣。運平四時。尚書出納王命。敷政四海。權尊勢重。貞之所歸。宜慎擇其人。以毗聖政。

荀勗

魏中書監荀勗曰。省吏不如省官。省官不如省事。省

事不如清心。昔蕭何相漢，載其清名，民以寧一。所謂清心也。抑浮說簡文案，署苛細宥小過，變常以徵私者必誅。所謂省事也。以九寺併尚書以蘭臺付三府，所謂省官也。

陳寵

章帝時，陳寵為尚書，上疏曰：臣聞先王之政，賞不僭刑，不濫，與其不得已，寧僭勿濫。往者斷獄嚴明，所以威懲姦惡，姦惡既平，必宜濟之以寬。夫為政猶琴瑟，大絃急者小絃絕，陛下宜隆先王之道，蕩滌煩苛之法，全廣至德，以奉天心。

陳
矯

魏以陳矯為尚書令。魏主常卒至尚書門，矯竝問曰：陛下欲何之？曰：欲案行文書耳。矯曰：此自臣分非陛下所宜臨也。若臣不稱職，請就黜退，願慙而退。數嘗問矯曰：司馬公忠直可謂社稷之臣乎？矯曰：朝廷之臣也。社稷未知之也。

陳忠

章帝時，陳忠為尚書上疏曰：臣聞人居廣山，聽之大納切直之諫，忠臣盡憲。擇之節，不畏遙耳之害。今明詔引咎，躬詣群臣，必承風嚮，應爭為切直，宜優游

寬容以示聖朝無謹之美。

韋彪

漢韋彪上疏曰。天下樞要在於尚書。而間者多從郎官超陞此位。雖曉習文法。長於應對。察察小慧。類無大能。宜鑒畱夫捷拾之對。深思絳侯大訥之功。

吏部

吏部雖昉於漢光武。改常侍曹為吏部曹。立選舉。其實昉於堯命羲和司天。舜禹草稷為天官。殷冢宰周為太宰。太宰於殷為六太。於周為六卿也。虞末改為選部。魏復為吏部。晉宋為吏部尚書。資位特重。梁陳

亦然後魏北齊吏部考功主爵三曹隋吏部總吏部
主爵司熟考功四曹。唐龍朔間改吏部尚書為司列。
太常伯光宅初改為天官。天寶間改為文部掌文官
選舉。總判吏部司封司熟考四曹事。隋置侍郎貳尚
書之事。六品以下銓補多以歸之。宋典選之職自分
為二。文選二曰審官。東院曰流內。銓武選二曰審官。
西院曰三班。院元豐定制。以審官東院為尚書左選。
審官西院為尚書右選。掌文武官選授。熟封考課之政令。今立
吏部尚書一人。主天下官之選授。熟封考課之政令。今立

郎二人為之貳。其屬清吏司四文選。驗封。稽勲考功。
司各置郎中一人。員外一人。主事二人。綜其事。司務
三十八省署批同受發文移。為首領官。文選掌天下文
吏銓選。作缺改調。保舉推陞之事。驗封掌封爵襲爵
褒貶及吏革之事。稽勲掌勲級名藉。吏制之事。考功
掌官吏考課黜陟之事。四司各率其屬。奉其職責。尚
書之政令。寧部尚書。首六卿。擬天官冢宰。即諸部優
重。過於諸曹遠矣。

虞疏

魏主深疾浮華之士。詔吏部尚書虞衡。以選舉勿取

有名。譬如盡地作餅，不可啖也。毓對曰：「名不足以致異人，而可以得常士。常士畏教慕善，然後有名。辨所當疾也，但當有以驗其後耳。今考績之法廢，而以毀譽為進退，故真偽混雜，虛實相蒙耳。」

韋世康

隋韋世康，為吏部尚書十餘年，和靖謙恕，時稱廉平。常有止足之志，謂子弟曰：「祿豈須多？防滿則退，年不待暮，有疾便辭。」

馬文升

馬文升，字貞國，弘治間戶部晉冢宰。嘗曰：「吾在兵

部每夜心行天之邇者一周在吏部心行天之內者一周行邊者計武備行內者計人才

推此志也別計部之留心國計宗伯之留心典禮以及比部之留心欽仰司空之留心河防皆當夙夜寅清虔供爾位則政事何憂不舉郵閨何憂不臻哉

徐勉

梁徐勉為吏部尚書精力過人雖文寡填積座客充滿應對如流手不停筆夜集客有虞雲求詹事官勉正色曰今夕止可談風月不宜及公事雲遂退而起

時人咸服其無私

高季輔

季輔為吏部侍郎。太宗賜以全臂鏡以表其清鑒。

裴行儉

唐裴行儉為吏部侍郎。典選有知人之鑒。見王勣蘇味道謂人曰。此子亦當掌銓衡之任。後果然。

按裴行儉。馬載。為吏部侍郎。同時典選十餘年。甚有能名。時人稱為裴馬。又睿宗時。盧後恩。為吏部侍郎。中宗之後。選用頗失紀綱。從恩精心調理。大稱平允。李朝隱。同時典選。時人稱曰。前有裴馬。後

有盧李

山濤

晉山濤爲吏部尚書。典選十餘年。甄拔人物。各爲題目。而奏之時。稱為山公啓事。嘗薦嵇紹為秘書丞。欲辭不就。濤曰。為君思之久矣。天地四時。猶有消息。況於人乎。紹乃應命。

按山濤同時。有王戎為司徒。與時浮沉。無所匡救。委事僚寒。輕出遊畋。性復貪吝。因田遍天下。每自執牙箠。盡夜會計。常若不足。家有好李。賣之恐人得種。鑽其核。凡所賞拔。專事虛名。○畢卓為吏部

耶。比食部醕熟，卓因醕夜至麌間，盜飲之為掌酒者所縛。明日視之，乃畢吏部也。樂廣聞而嗟之曰：「名教內自有樂地，何必乃爾？」此又視山公為不及矣。

牛弘

隋牛弘字里仁，為吏部尚書，選舉先德行而後文才，侍郎高孝基鑒尚機悟，清慎絕倫，然奏後有餘迹，似輕薄，時宰多以是疑之。弘獨推心委任，得人獨多。隋室舊臣，始終信任，悔吝不反者，弘一人而已。

史臣曰：牛弘篤好墳籍，學優而仕，有淡雅之風懷。

曠遠之度。採百王之損益。成一代之典章。漢之叔
孫不能尚也。嗣終省闈三十餘年。英陵不渝。始終
無間。雖開物成務。非其所長。然鑒之。不
獨可謂大雅君子矣。

戶部總考

按戶部雖同周禮地官之任。實本於古度支。故為度
支尚書。為大司徒。為民部。唐永徽初。以廟諱改民部
為戶部。龍朔初。為司元太常伯。咸亨初。復武后改為
地官。神龍復改地官為戶部。尚書一人。侍郎二人。掌
天下戶口井田之政。令凡徭役職貢之方。經費廄給。

之算。藏貨贏儲之準。悉以咨之。其屬有四。一曰戶部。二曰度支。三曰金部。四曰倉部。宋判戶部事兩制以上。克凡戶口田產錢穀食貨之政令。皆歸於三司。本曹但受天下之土貢。元會陳於庭而已。後罷三司之名。復歸戶部。

明興立戶部尚書一人。為地官。主天下人民戶口田賦。征役經費之政。司經鹽法邊儲金穀出納之制。以贊於天子。侍郎二人。為之貳。復有一人。出總倉場者。或尚書或侍郎。司務二人。照磨一人。檢校一人。典磨勘計。集為首領官。共稱清吏司。以曰民部。主天下者。

府州縣之圖志以周知其地理古今沿革山川險易
土田肥瘠寬狹戶口物產多寡登耗之數曰度支主
會計天下存苗起運若鹽初俸給之經費曰金部主
天下魚鹽稅課若賦罰之折收曰倉部主兩稅起運
倉廩之委積已上念地曾務繁更定為十三清吏司
其後添設繁簡視所司刷易兼直隸府州之貢賦替
尚書邦政焉

蘇綽

魏蘇綽為度支尚書性忠儉常以喪亂未平為已任
薦賢伏牘紀綱廢改嘗謂為國之道當愛人如慈父

訓人如嚴師及卒。宇文泰曰。蘇尚書平生廉讓吾欲全其素志。則恐悠之徒有所未達。如厚加贈謚。又乘宿昔相知之心。何為而可。令史麻瑤進曰。儉約所以彰其美也。

長孫平

隋長孫平為度支尚書。奏令民間每秋冬出粟麥。貧富為差。儲之當社。委社司檢核。以備凶年。名曰義倉。隋主從之。此後世義倉之始也。

牛仙客

仙客前在河西。能節用度。勤職恭倉庫。充實器械精

利上聞而嘉之。欲加尚書。張九齡曰。不可。尚書告之納言。唐興以來。惟舊相及數歷中外。有德望者。乃為之。仙客本河湟使典。今驟居清要。恐羞朝廷。乃封為隴西縣公。後為工部尚書。

夏原吉

明夏原吉為戶部尚書。有吏據精微文書押之。因風為墨所汚。吏驚惧。即袒肉以俟公曰。汝何與焉。叱起。乃自袖其所汚。吏猶惧莫測。明日朝畢。至便殿請罪。曰。臣昧不謹。因風起筆。汚精微之書。懷中出之上命易之。既罷。朝吏猶莫測。尋出其所易。吏大感。免冠謝。

按公有德量。冬出使館。晨發命館人烘襖。誤燒一隻。館人懼不敢告。索祿甚急。左右請罪。笑曰。何不早白。歛餘廩易之。弗及。并存者棄之。而行館人感德。曰。他則無故加撞。若此平生。輒一遇也。公之盛德類如此。

禮部總考

按禮部昉於唐虞之秩宗。周之春官大宗伯也。漢成帝時為客曹。魏尚書有祠部曹。晉祠部尚書。常與右僕射通職。若右僕射缺。則以祠部尚書知右事。宋祠部尚書領祠部儀曹二曹。至後魏始稱儀曹尚書。北

齊亦為祠部尚書。統祠部主客虞曹屯田起部五曹
又有儀曹至吉凶禮制屬殿中尚書。後周依周官置
春官大宗伯卿一人更為禮部尚書。唐因之。龍朔初
改為司禮太常伯光宅初改為春官尚書無幾復故
尚書一人侍郎亦一人周官小宗伯中大夫也隋置
唐因之。龍朔初改司禮少常伯專掌天下禮儀祠祭
饗貢舉之政令其屬有四。一曰禮部二曰祠部三曰
膳部四曰主客。明興立禮部尚書一人擬春官掌天
下禮儀祭祀封建朝賀宴饗貢舉之政令。叙舞階秩
以贊於天子侍郎二人為之武僕清吏司四曰儀制

掌禮文宗卦舉校貢舉之事。曰祭祠掌祭享獻薦天
文國卹廟謹之事。曰主客掌戎彞朝貢往來宴賜之
事。曰精饌掌宴饗牲勞酒膳之事。凡膳品領于光祿
而會其數。程其出納則本司之任也。

兵部總考

按兵部周夏官大司馬之職也。古者兵車一車四馬。
故以馬名官。司馬掌以九伐之法。正邦國制軍詰禁。
以糾邦國。領校人牧司職方司兵之屬。魏始置五兵
尚書。謂中兵外兵騎兵別兵都兵。晉太始中省太康
中又置七兵尚書。以中兵外兵分為左右。宋太明中

又省昇明湊五兵尚書歷代無改魏又置七兵尚書
後周置大司馬卿至隋改為兵部尚書增置侍郎二
人蓋因後周兵部尚書之名兼前代五兵之職也唐
開之龍朔改兵部尚書為司戎太常侍侍郎為少常
伯光宅初為夏官天寶改為武官掌五官選舉總判
兵部職方駕部庫部事宋元以後代有变更明興立
兵部擬夏官尚書一人掌天下武衛官軍選授簡練
若鎮戍廐牧郵傳之政令經戎馬之政以贊天子侍
郎二人為之歲司務二人省署抄同受發文移屬清
吏司曰武運掌武官選陞襲替功賞之事曰車駕

掌與輦車乘守衛廄狀郵傳之事。曰武庫。掌戎器符勑。尺籍。武學與隸之事。

刑部總考

按周禮秋官大司寇掌邦之三典以佐刑邦國。即今刑部尚書之任也。漢成帝初置三公曹。主斷獄。後漢以二千石曹。主中都水火盜賊詞訟罪法。亦謂之城曹。重於諸曹。晉初依漢置三公。尚書掌刑獄。太康中省三公尚書。以吏部尚書兼領刑獄。宋。三公比部皆主法。又置都官尚書。主軍刑獄。領都官水部。庫部功論四曹。後周依周官。置大司寇卿。掌刑邦。隋初復

尚書官尚書開皇三年改刑部又置刑部侍郎唐因之龍朔初政尚書為司刑太常伯侍郎為少常伯光宅初改刑部為秋官天寶改為憲部案判部事以御史知牒充而尚書侍郎中正為階官矣元豐更制始專其官明興立刑部尚書一人準古秋官掌天下刑名徒穀勦覆閭禁之政令欽郵明慎以贊天子侍郎二人為之歲司務照磨檢校一為首領官屬如戶部置十三清吏司凡宗室勳戚官吏軍民麗於法者詰其詞察其情偽傳律例而比其罪之輕重律凡六百有六條例成三百七十有六條其所不至者比而議

讀馬

工部總考

按周禮冬官大司空。即今工部尚書之任。其屬有攷工掌百工之事。故曰工部。漢魏領於民曹。自晉迄陳。有所營作。權置起部尚書。後梁則省。後周依周官。置大司空卿。其屬有工部中大夫。隋開皇初始置工部尚書。統工部屯田二曹。蓋因後周工部之名。無前代起部之職也。唐初因之。龍朔改為司農。太常。伯光。宅改為冬官侍郎。昉於周冬官。小司空中大夫。名少常伯。尋復故唐工部尚書侍郎之職。掌天下百工屯田。

山澤之政令。其屬有四。一曰工部。二曰屯田。三曰虞
部。四曰水部。尚書侍郎總其職務而奉行其制命。凡中
外百司之事。出於所屬。咸質正焉。宋判工部者以兩
制充土水。一後參謀三司本部無所事。元豐始制
尚書一侍郎一掌天下城池空室舟車器械符印錢
寶及百工。山澤丘田之政。明興立工部尚書一人。準
古冬官掌天下工役。農田山川。裁澤河渠之政令。經
制規畫以贊天子。侍郎二人為之貳。司務二人為首
領官。其屬清吏司四。曰營膳。掌經營興造之事。曰虞
縣。掌山澤稼穡捕厲禁陶冶之事。曰都水。掌川澤陂地

泉潔洪淺。道路橋梁。每車織造券器衡量之事。曰。田。寧屯農墳墓。抽分薪炭。夫役之事。

陳群

魏主修洛陽宮。司空陳群諫曰。昔禹承唐虞之盛。猶卑宮室而思衣服。况今喪亂之後。人民至少。邊境有事乎。漢明帝欲起德陽前殿。鍾離意諫而止。後復作。又謂群臣曰。鍾離尚有在。不得盛矣。殿也。夫王者豈憚一臣。蓋為百姓耳。

富弼

宋富弼為司空侍中。平章事。初自汝州入覲。帝泛容

訪以治道。對曰。人君好惡不可令人窺測。可窺測則奸人得傳會。當如天之鑒。人善惡皆所自取。然後誅賞隨之。則功罪皆得其實矣。

第五倫

第五倫為司空。奉公盡節。言事無所依違。性質慤少文采。在位以貞白稱。或問倫曰。公有私乎。對曰。昔人有與吾千里馬者。吾雖不受。每三公有所選舉。心不能忘。而亦終不用也。吾兄子病。一夜十往。退而安寢。吾子有疾。雖不省視。而竟夕不寐。若是者。豈可謂無私乎。

徐羨之

宋徐羨之為司空錄尚書事。初起自布衣無學術。直以志力局度。一旦居廊廟。朝野推服。咸謂有宰臣之望。沉密寡言。不以憂喜見色。嘗與傅亮謝晦宴聚。亮晦才學辨博。羨之風度謹整。時人後言鄭鮮之嘆曰。觀徐傳言論。不復以學問為長。

魏崔亮為吏部尚書。立停年格。不問士之賢愚。專以停解日月為斷。沉滯者稱其能。洛陽令薛叔上書曰。參元之命繫於長吏。若選曾惟取年勞。不簡賢否。執簿呼名。一吏足矣。數人而用。何謂銓衡。書

奏不報，魏之迷舉失人，自亮始也。